

101

11. júní

AUGLÝSING

um breyting á gjaldskrá fyrir vatnsveitu Seyðisfjarðarkaupstaðar, nr. 62
14. júní 1930, sbr. breytingu nr. 126 23 sept. 1946.

Upphaf 5. liðs gjaldskrárinnar orðist þannig.

Fyrir vatn til skipa skal greiða við afhendingu kr. 5.00 fyrir hverja smálest vatns o. s. frv.

Gjaldskrárbreyting þessi staðfestist hér með samkvæmt vatnalögum, nr. 15 20. júní 1923, til þess að öðlast þegar gildi, og birtist til eftirbreytni öllum þeim, sem hlut eiga að máli.

Félagsmálaráðuneytið, 11. júní 1951.

F. h. r.

Jónas Guðmundsson.

Hallgrímur Dalberg.

102

11. júní

REGLUGERÐ

um breyting á hafnarreglugerð Höfðakaupstaðar, nr. 209 18. nóv. 1947.

1. gr.

23. gr. hafnarreglugerðarinnar orðist svo:

Öll aðkomuskip, sem fara inn fyrir hafnargarð, skulu, hvort sem þau nota hafnsögumann eða ekki, skyld til að greiða hafnsögugjald eins og hér segir:

Innlend skip greiða hafnsögugjald aðeins einu sinni á ári, nema þau noti hafnsögumann.

Herskip og varðskip eru undanþegin hafnsögugjaldi, nema þau noti hafnsögumann.

- a. Fyrir leiðsögu til hafnarinnar 100 krónur fyrir hvert skip allt að 300 brúttósmálestir og 10 aura fyrir hverja smálest, sem þar er yfir.
- b. Fyrir leiðsögu frá höfninni 100 krónur fyrir hvert skip, sem er allt að 300 brúttósmálestir, og 5 aura fyrir hverja smálest, sem þar er yfir.
- c. Fyrir leiðsögu um höfnina greiðist hálf gjald samkvæmt a-lið.
- d. Fyrir að vera úti í skipum greiðist 100 krónur fyrir hvern sólarhring eða hluta úr sólarhring, unz hafnsögumaður er aftur kominn heim. Jafnframt greiðist hafnsögugjald undir staflíð a. og b.

2. gr.

24. gr. orðist svo:

- a. Allir bátar og skip, sem heima eiga í Höfðakaupstað, skulu greiða lestagjald einu sinni á ári, 5 krónur fyrir hverja brúttósmálest, þó aldrei minna en 100 kr.
- b. Aðkomubátar og skip, sem stunda fiskveiðar héðan og liggja innan hafnargarðs, skulu greiða 1 kr. fyrir hverja brúttósmálest fyrir hvern mánuð, þó ekki minna en 75 krónur fyrir mánuð eða hluta úr mánuði.
- c. Öll önnur skip, sem koma til hafnar, skulu greiða 40 aura fyrir hverja brúttósmálest í hvert sinn, sem þau koma til hafnar, þó skulu innlend fiskiskip aðeins

greiða hálf t gjald. Strandferðaskip ríkisins skulu ekki greiða gjald þetta oft en tvisvar í mánuði. 102
11. júní

3. gr.

26. grein breytist þannig:

Í stað „15 kr.“ í staflíð a. komi: 25 kr.

b-liður greinarinnar og greinin til loka orðist svo:

b. Skip, sem getið er um í 24. gr., b-lið, skulu í hvert sinn og þau koma til hafnar greiða 10 kr.

c. Öll önnur skip greiði í hvert sinn, er þau koma til hafnar:

Skip undir 200 smálestum	kr. 15.00
Skip frá 200—400 smálestir	— 30.00
Skip yfir 400 smálestir	— 60.00

4. gr.

27. gr. breytist þannig:

Í stað „10 aura“ komi: 15 aura, — og í stað „kr. 5.00“ komi: kr. 10.00.

Aftan við greinina bætist:

Þeir, sem vilja hafa skip sín í skipakvinni vetrarlangt, snúi sér til hafnarnefndar fyrir 1. september ár hvert. Skipakviargjald fer eftir samningi.

5. gr.

31. grein orðist svo:

Vörukjaldskrá.

1. flokkur. Gjald 65 aurar hver 100 kg:

Kol, salt, sement, brennsluolía (fuelolía).

2. flokkur. Gjald 100 aurar hver 100 kg:

Alls konar óunnið járn, eldavélar, bárujárn, saumur, timbur, sem reiknað er eftir þyngd, legsteinar, eldfastur leir, gólf- og veggflisar, eldfastir steinar, steypdir steinar og garðávextir.

3. flokkur. Gjald 125 aurar hver 100 kg:

Korn, mjölvörur, sykur, kjöt, saltfiskur, sildarmjöl, lýsi, fiskimjöl, freðsild, alls konar vélar og varahlutar í vélar, alls konar vírar, kalk, fóðurbætir, áburður, olíur (þó ekki fuelolía), smurningsfeiti, benzín, strigi, vélavistur, hessían, bindigarn; gærur, skinn, ull og aðrar slíkar vörur.

4. flokkur. 50 aurar á hver 10 kg:

Málningarvörur og efni til málninga, lökk, lím, gips, veggfóður, hráefni til iðnaðar, korkvörur og óunnið kork, brauðvörur, kex, línóleum, gúmmí og gúmmívörur, pappír og pappírsvörur, bækur, blek, baðlyf, ljósefni, olíufatnaður, útgerðarvörur (önglar, net, nætur o. s. frv.), kálmeti og plöntur.

5. flokkur. Gjald 100 aurar á 10 kg:

Allar vörur, sem ekki heyra undir aðra flokka og flutningsgjald greiðist af eftir þyngd.

6. flokkur. Gjald 25 aurar á teningsfet:

Timbur, unnið og óunnið.

7. flokkur. 50 aurar á teningsfet:

Allar aðrar vörur, sem reiknast eftir rúmmáli.

8. flokkur. 15 aurar fyrir hvert stykki:

Tómar tunnur og föt, uppsett eða óuppsett.

9. flokkur. 50 aurar hver tunna:

Sild.

- 102 10. flokkur. 200 aurar hver gripur:
11. júní Sauðkindur, geitur, kálfar, loðdýr.
11. flokkur. 500 aurar hver gripur:
Nautgripir og hross.

6. gr.

32. grein. Fyrri málsgrein orðist svo:
Af heildarafla skips greiðist 8 kr. af smálest af slægðum fiski með, haus, sem landað er á hafnarsvæðinu, nema sild.

Af hverju máli sildar greiðist 50 aurar.

Gjald þetta er kræft um leið og afla er landað. Eigandi skips er ábyrgur fyrir greiðslunni. Nú er afli afhentur eða seldur án þess að gjald þetta hafi verið greitt og hvílir þá greiðsluskylda einnig á þeim aðila, er þá hefur umráð yfir aflanum.

7. gr.

33. grein breytist þannig:

Í stað „5 kr.“ komi: 10 kr., — og í stað „10 kr.“ komi: 20 kr.

Reglugerðarbreyting þessi staðfestist hér með samkvæmt lögum nr. 29 23. apríl 1946, um hafnargerðir og lendingarbætur, til að öðlast þegar gildi, og gilda til 1. júní 1952, og birtist til eftirbreytni öllum þeim, sem hlut eiga að máli.

Samgöngumálaráðuneytið, 11. júní 1951.

F. h. r.

Páll Pálmason.

Brynjólfur Ingólfsson.

- 103 Staðfesting forsetans á skipulagsskrá fyrir „Minningarsjóð Guðrúnar Guðfinnu
11. júní Þorláksdóttur Schram“, útgefin á venjulegan hátt að mandatum af dómsmálaráð-
herra 11. júní 1951.

Skipulagsskráin er þannig:

SKIPULAGSSKRÁ

fyrir Minningarsjóð frú Guðrúnar Guðfinnu Þorláksdóttur Schram.

1. gr.

Sjóðurinn heitir Minningarsjóður frú Guðrúnar Guðfinnu Þorláksdóttur Schram.

2. gr.

Sjóðurinn er stofnaður á 75 ára afmælisdegi hennar, 25. janúar 1951, af eftirlifandi manni hennar, Gísla Björnssyni, trésmíðameistara, Hverfisgötu 86 í Reykjavík. Stofnféð er kr. 1000.00 — eitt þúsund krónur —.

3. gr.

Sjóðurinn ávaxtast í næstu 25 ár, og bætist allir vextir við sjóðinn þann tíma. Gjafir og áheit, sem sjóðnum kann að áskotnast, leggist við höfuðstólinn. Eftir 25 ár má veita úr sjóðnum 85 af hundraði árlegra vaxta hans.